

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

DARIPADA : DATO' MANSOR OTHMAN (NIBONG TEBAL)

SOALAN

Minta **MENTERI PERTAHANAN** menyatakan langkah-langkah pembaharuan dan penambahbaikan yang diambil oleh Kerajaan dalam aspek-aspek peralatan ketenteraan dan pengoperasian pasukan tentera supaya ATM boleh beroperasi dan menjaga keselamatan negara dengan lebih sempurna.

JAWAPAN

Kerajaan sedia maklum tahap kesiapsiagaan Angkatan Tentera Malaysia (ATM) dan sentiasa berusaha mengambil langkah-langkah yang sewajarnya untuk memperkasakan keupayaan dan tahap kesiapsiagaan aset ketenteraan negara agar sentiasa berada ditahap yang terbaik demi memastikan kedaulatan negara, keutuhan wilayah dan kesejahteraan ekonomi negara sentiasa terpelihara.

Sehubungan itu, pihak ATM telah mengambil beberapa langkah penambahbaikan hala tuju pembangunan ATM seperti menubuhkan *Task Force* kajian semula Strategi Ketenteraan Negara dan Pelan Pembangunan Keupayaan ATM (4D MAF) supaya pelan atau *roadmap* pembangunan keupayaan jangka panjang ATM yang lebih komprehensif dengan kelengkapan yang berteknologi tinggi dapat disepadukan dengan pembangunan modal insan yang berkualiti. Diantara langkah-langkah yang diambil untuk pembangunan modal insan ini adalah dengan mengutamakan pengambilan pegawai dan anggota dengan kelulusan dalam bidang berkaitan Sains dan Teknologi ataupun menghantar mereka mengikuti pengajian dalam bidang tersebut.

Disamping itu, pelan jangka panjang ini juga akan turut mengambilkira keperluan Kertas Putih Pertahanan yang akan dikeluarkan agar ianya dapat direalisasikan supaya ATM boleh beroperasi dan menjaga keselamatan negara dengan lebih sempurna serta mempunyai sistem pertahanan negara yang lebih mampan dan efisien.